



Durante e di 8 Surinam Taekwondo Open

Grand Master Chaco Jose Cornelio a fungi como head refereee

Diasabra ultimo tabata tin e di 8 Surinam Taekwondo Open 2015 cu participacion di Frans Guyana, Trinidad & Tobago, Aruba y algun scol di Taekwondo for di Surinam. Grand Master Chaco Jose Cornelio ya caba tin varios aña ta biahando pa Surinam ariba peticion di Surinam mes pa asina duna nan un man cu nan refereenan.

Grand Master Chaco Jose Cornelio tin mas di 30 aña di experencia den e area di refereee y ta wordo solicita pa mundo henter pa sea duna curso di refereee of pa fungi como head refereee. Hopi lo kere cu ta gana placa cu e trabou di boluntario aki, pero den hopi ocasion bo mester paga bo mesun pasashi na yega na e evento. Grand

Master Chaco Jose Cornelio kende ta stima e deporte di Taekwondo ta haci esaki cu amor pa asina wak e deporte di Taekwondo bay pa dilanti.

Un di e cosnan di mas grandi pa Grand Master Chaco Jose Cornelio ta pa mira un diferencia den e refereenan unda cu el a duna training durante di tur e añanan. Awor cu e 8 di Surinam Taekwondo

Open e por a mira un diferencia grandi, e refereenan a haci nan maximo na e campeonato aki pa asina muestra cu nan por. Un otro aspecto cu ta laga e sinti bon ta pa mira con su presencia na Surinam ta wordo aprecia masha hopi mes y e atletanan tambe ta prefera pa e para memey como refereee.

Manera Master Arthy Lie e

organizado di e campeonato aki mes a bisa cu Grand Master Chaco Jose Cornelio mester ta presente na su campeonato. Como refereee Olimpico bo mester mantene bo mes na e normanan di refereee, pasobra sa tin hopi wowo ariba bo ta mira con bo ta refereee. Tur pais ta desea pa tin un bon refereee na nan campeonato pa asina garantisar un fair play. □